

新疆圖志卷九十三



奏議志三

清

恪靖侯左宗棠奏稿

遵 旨督辦新疆軍務敬陳籌畫情形摺

請 簡派大員幫辦陝甘軍務摺

軍餉支絀請速籌解濟摺

關外新疆軍餉請仍歸戶部核撥摺

請各省勻濟餉需片

新疆圖志

奏議志三

請飭兩江迅解老湘全軍月餉片

請飭福建迅籌欠餉片

請飭劉典迅速赴甘摺

楊昌濬可資臂助片

暫借洋款以資接濟摺

左宗棠遵旨督辦新疆軍務敬陳籌畫情形摺

竊臣於四月初八日承准軍機大臣字寄光緒元年三月二十八日奉

上諭本日已有旨令左宗棠以欽差大臣督辦新疆軍務金順調補烏魯木齊都統仍幫辦軍務景廉調補正白旗漢軍都統回京供職景廉著俟金順行抵古城後將各營兵勇糧餉移金順接管再行起程回京新疆軍務孔殷必須速籌進兵節節掃蕩金順本有自帶各營益以景廉所部兵力已不單薄著即督率各營親臨前

新疆圖志

奏議志二

敵相機進剿爲收復烏魯木齊計所有進兵機宜隨時會商左宗棠酌辦袁保恒已令回京供職西征糧台已諭左宗棠責成陝西藩司經理應行奏催及咨行各省事件呈由陝西巡撫覈辦關外轉運事宜即在哈密巴里坤各處設立糧餉分局由左宗棠派員經營袁保恒將經手事件逐一交代清楚後起程回京見在關外兵事餉事并轉運事宜均歸左宗棠督辦蘭州相距窳遠鞭長莫及該大臣當統籌全局酌核辦理關外軍食務當源源運濟以期十飽馬騰毋令停軍待哺宋慶一軍

該大臣已咨令回紮潼關本日亦諭知錢鼎銘商令該提督擇要駐紮矣等因欽此跪聆之下悚惕實深竊維新疆之事從前因兵力餉事未能兼顧遂至叛回構變強敵窺邊土宇人民不可覆按於此而欲力圖恢復摯二萬里戎索之舊還之職方戢萬千族殊俗之民漸以聲教正值寰區甫靖財力久殫內患雖平民勞未艾其難誠有倍於拓疆之始者微臣庸朽菲才又值衰疾侵尋志慮鈍竭何敢不自忖量謬以自承顧念臣子之義厥重匪躬疆場攸司責無他諉自從戎伊始卽矢盡瘁

新疆圖志

奏議志二

二二

馳驅豈頭白臨邊忽易初志謹將所籌情形爲我

皇上敬陳之一曰廣籌軍糧也師行北路宜用北路之糧不但節費亦免耗糧臣前疏已詳之南路肅局既有

見糧又車馱駝隻購僱稍多可以灌運自宜嚴切督催以廣儲峙北局設於歸化分局設於包頭飭升用知府前署綏德直隸州知州陳瑞芝提督銜總兵蕭兆元司之催民駝轉運計自三月至五月據報陸續運過四十餘萬觔至巴里坤每百觔牽合銀八兩內外袁保恒前奏甯夏採運臣飭署甯夏鎮總兵記名提督譚拔萃甯

夏府知府李宗賓接辦見據報已雇駝數百先由察罕廟試行如果此路通利再爲加辦察看漠北素產健駝又便水草惜久未開運倉卒應募者少又駝戶每以拉差爲苦疑沮不前臣見飭巴里坤鎮鎮道嚴行示禁冀聞風踵至運道暢行庶餉饋可通亦收節省之益正辦理間適俄國游歷官索思福諾斯齊等到蘭與之談論近事索思諾福斯齊自稱俄國在山諾爾地方產糧甚多駝隻亦健距中國古城地方不遠如中國需用糧食伊可代辦送至古城交收由俄起運須護運兵弁均

新疆圖志

奏議志二

四

由在山諾爾派撥其兵費一併攤入糧脚價內每百觔需銀七兩五錢如年豐糧多駝腳不貴則價尙可減也比卽與定議書立合約計年內可運古城糧二百萬觔明年夏可運足三百萬觔索思諾福斯齊已專兵八瓦勞伏前往告知其地巡撫據稱斷不致悞臣見委知府銜甘肅候補同知丁鳴等赴巴里坤又委布政使銜甘肅卽補道陶兆熊等赴古城辦理採糧開墾及收支事宜此北路籌糧情形也南路肅局存見糧三萬餘石安西局存見糧一百數十萬觔哈密局除張曜各營外存

見糧一百三十萬劬見正趕緊灌運張曜在哈密辦屯墾水利事必躬親不惜勞瘁據報墾荒地一萬九千餘畝可獲糧數千石見據甘涼肅各廳州縣稟報今歲夏雨優渥冀獲豐稔將來新疆市價有減無增車駝之受僱者亦日多一日轉運較從前稍易此南路籌糧情形也臣因歸化包頭採運巴里坤較涼甘肅採運巴里坤脚價大減而糧則實裝實卸別無虛耗故決計於北路開一運道陸續撥兌實銀已四十餘萬兩甯夏已發銀三萬兩計秋高駝集運數可增南路由甘運肅由肅運

新疆圖志

奏議卷之二十一

五

安西均用車馱由安西運哈密運巴里坤均用駝隻節設厰局濬水泉刈草薪以利運道一切經費統於現辦採運項下開支計轆轤轉般運數可倍此合南北兩路運籌巴里坤之糧也俄國在山諾爾地方緊接我布倫托海邊界距古城數百里俄人代爲採運二百萬劬送古城路程較近實屬獲之意外計需銀十五萬兩此於北路之北籌古城之糧也就目前局勢籌應前敵急需事之所得爲者祇此歷代之論邊防莫不以開屯爲首務或辦之用兵之時以省轉饋或辦之事定之後以規

久遠要之得人則有益軍儲不得其人則虛糜經費且西北治地開荒尤資水利就窪潴水障之令深引渠灌田灑之令普既需人工尤資器具而哈密土質善滲土工石工外別有毛毡包裹之工爲他處所罕既須多籌器具又需廣備毡條開墾之先所費既巨臣於張曜由安進屯哈密時已津貼過運脚等銀五萬餘兩購辦毡條價脚銀約九萬一千餘兩張曜躬率所部殫力經營而後得著成效計以後踵而行之因此奧區保綏戎藩而成數十百年無窮之利見復經畫巴里坤收召饑兵

一千三百餘名每月給餉銀三千兩配以矛桿鎗礮子藥俾其復成勁旅復委甘肅同知丁鶚等勤辦屯墾事務兼收包歸甯夏所解軍糧惟巴里坤地當天山頂畔氣候凝寒舊設天時地利人和等廠久已荒廢屯務雖興暫尙難供客軍坐食也由巴城而西北七站地勢沃衍天氣漸和由此而古城迤西一帶更稱膏腴土壤景廉所辦公屯私屯外餘荒甚多若民兵盡力耕墾不虞乏食臣見委布政使銜甘肅補用道陶兆熊揀帶員弁前赴古城驗收俄人代辦軍糧支發價腳一面察看古

城一帶情形經畫屯墾事宜隨時馳稟核奪此籌哈密
巴里坤古城糧運屯墾情形也一曰兵事宜早爲整理
也西事稽延至今未睹成效由於冗食多而戰士少耳
旗綠諸營久不足額就近各省無勁兵應調於是取土
著兵民及各處就食兵民授地耕墾一備軍食一備戰
守無事則驅其盡力隴畝有事則調其效命鋒鏑謂之
且耕且戰事非不勞謂之即兵即農名非不美然調赴
期會則彼此觀望數日不能取齊麾令前驅則勇怯雜
糅氣勢不能完整其何以戰且旣挂名武籍又令其從

新疆圖志

表天議士心二一

七

事耕耘譬猶左手畫圓右手畫方兩者相兼必致一無
所就是且戰之兵不能戰且耕之兵不暇耕也茲宜劃
兵農爲二擇其精壯有膽之兵宜馬者馬宜步者步東
以營制一如內地軍營其冒著戰績如徐學功輩用之
爲管帶爲督帶其才能辦事如孔才輩用之爲幫辦凡
督帶管帶以及所部哨官什長酌給薪水辦公銀兩散
人給餉與糧按照客軍營制減給其愿弱不任戰者散
之爲農按照戶口指餘荒地畝令其承墾由官酌給籽
種豐器耕牛收穫後繳本歸倉外不取息其所獲糧石

由官照時價收買鹿簡其精壯營伍可得而實散其愿
弱屯墾可得而增兩利之道也關外各城所駐大臣有
辦事領隊幫辦之分所駐之兵有錫伯索倫達呼爾察
哈爾蒙古厄魯特沙畢納爾及綠營攜眷兵換防番戍
兵之分亂後舊制不可復按而辦事幫辦領隊大臣於
本營存兵外兼帶馬步各營各請專餉所稱馬隊步隊
既罕能戰之兵而辦事幫辦領隊各員又非盡知兵之
選徒糜餉糧無濟實用都統及各大臣因慮產餉未極
其豐增竈更形其絀力主畫地自封閉關謝客之議以

新疆圖志

表詳十一二

八

護官私屯糧不顧兵事利鈍金順進駐古城張曜進屯
哈密遲回不前而後隊尙迤邐原防者以此見在巴里
坤古城已辦採運哈密已開營屯金順張曜兩軍留後
之隊應卽陸續開接兵力既增則屯丁可減竊維此時
必分別兵農責兵以戰課農以耕而後餉事可節兵事
可精也哈密巴里坤古城所駐各大臣就現在所存旗
兵核定糧餉如缺額過多准照舊額馬步就地挑募丁
壯補數但責其保守城隘不必責以戰事脫屯丁伍籍
散之歸農則盡力隴畝民樂耕其野而官屯私屯地畝

收獲餘糧准照時價發糶民益得其饒不但分駐各軍可資接濟即調發續進馬步沿途就地採購毋期裹糧以麩於兵事更覺順利較之見在辦法兵農兩荒不猶愈乎如蒙

聖明鑒允應請

飭下金順文麟遵照辦理庶於時局有裨此籌整理哈密巴里坤古城兵事實在情形也

諭旨關外兵事餉事並轉運事宜均責臣督辦而蘭州距前敵數千里餉糧轉運雖可總其成至忝預戎機則

新疆圖志

奏議議志心二一

九

調度指麾不能發當其可自當簡率大軍親駐肅州相機辦理惟師行糧隨事豫則立當此新穀未升駝隻歇廠轉運難期暢旺之時不先將前敵各軍食糧灌運充裕催其留後各營陸續開行而遠大軍進發致占前敵軍食向後彼此兼顧更費周章督臣兼司關隴轄境遼濶移節肅州距關內腹地太遠又苦鞭長莫及調集各軍所遺營壘均是扼要地方非權其緩急移撥填紮於建威銷萌之計亦形疏畧見在一面督飭西路各局於駝隻起廠之前趕催車馱層遞灌運一至八月即調新

駝分駐安西哈密各處分段層遞轉輸而調回車駝搬
運新糧一灌運安西糧局一運供臣部軍食庶期會從
容畜力舒展於事均便一面調集各路將領商議出關
隨征留後防守各事宜及移營分紮一切務錄周妥臣
之進肅州未此能求速者此也至景廉所奏關內運糧至
古城應以十萬石爲度以勦重則三千餘萬勦非竭四
五年之力不能辦到金順緘開所有會銜緘贖全未與
聞所需軍糧合留後十餘營并計每年以市斗二萬石
爲度尙只六百萬勦然此皆金順未調補烏魯木齊都

新疆圖志

奏詳書卷二十一

十一

統以前就彼時局勢言之也合併聲明所有籌辦糧運
兵事謹據實陳

奏伏乞

聖鑒訓示施行

光緒元年六月二十八日

左宗棠請 簡派大員幫辦軍務摺

竊臣自蒙

恩調陝甘總督時已苦衰病侵尋於委頓之餘強自克
勵支持至今又已八載當茲邊陲有事之秋非臣子言
病之日茲復承

恩命督辦新疆軍務負荷更重彌切悚惶初擬本任事繁責重應籲懇

大恩別簡實任人員以資鎮撫又慮副事之人或因未悉底蘊或因意見參差致多牴牾臣茲出塞遠征兵事必以關隴爲根本一有間隔則局勢立行滯礙貽誤戎機而所事又未能預計歲月師行又未能預計遠近若非慎圖於始何能壹意馳驅無憂後顧此私懷所不能釋然者也臣所部將士雖兼收并採不專一省一路之人而自咸豐十年從戎以來藉故鄉子弟之力至今揀

新疆圖志

奏英議志二

十一

閱伍藉湖湘之產居多使嗣事之人非所素習則留後各軍營未能適然無疑指揮或難得力甘肅雖大局已定四境晏然回番善詐多疑本其常態非善爲撫馭亦恐措置失當事變旋生所以不敢遽請

簡放實任者以此伏見前署陝西撫臣三品卿銜二品頂戴劉典於臣在籍練軍時即總理臣軍營務厥後轉戰江皖浙閩廣東幫辦陝甘軍務獨當一面之日恒多其署陝西巡撫肅清全省功績昭彰所定陝西里差章程輿情翕然猶存遺愛嗣因母老多病告養乞歸蒙

恩開其署缺劉典感

矜全之恩山居五年晨夕侍養然心念隴事艱難微臣

衰老多病歲時書問於軍事外代籌調攝之宜每遇假

歸將士詳詢近事欣戚同之近聞臣夙恙未愈新增咯

血轉筋健忘之證時爲流涕聞其母蕭氏幸健如常尙

有三子侍養在籍劉典暫離子舍似非不可伏懇

天恩飭令劉典速赴蘭州幫辦陝甘軍務本熟路而駕

輕車外可孚民望內足協軍情於時局必有裨益而臣

獲同心之助兵餉兩事無虞掣肘免致分心俾得畢其

新疆圖志

奏請書卷二十一

十一

慮忱用之前敵則尤幸甚也劉典本係親老告養人員

羈以職守非其心之所安惟該員前以三品卿銜二品

頂戴著陝西巡本無底缺可否仰懇

天恩以三品京卿候補幫辦陝甘軍務之處出自

聖裁此外尙有二品頂戴開復山西臬司陳湜一員本

有用之才於甘肅地方軍務情形尤爲熟悉前以修墓

告假回籍尙未來蘭臣已緘催迅速前來謹一併聲明

伏乞

聖鑒訓示施行

軍機大臣字寄光緒元年七月初九日奉

上諭左宗棠奏籌畫新疆軍務情形一摺新疆地方從前因兵力餉事未能兼顧以致久稽規復見在關內肅清正且乘此事機力圖大舉綏靖邊疆左宗棠此次所陳籌辦糧運兵事有條不紊頗合機宜南北路分籌採運著該大臣督飭委員等妥爲經理俄官索思諾福斯齊到甘左宗棠與之商定由該國購糧運赴古城於軍食亦有裨益開屯爲邊防要務全在得人而理據奏張曜進屯哈密親率所部殫力經營已著成效該提督現

新疆圖志

奏詳志卷二

十三

未移軍務當實力興辦以規久遠巴里坤古城一帶開墾事宜左宗棠見派員前往察看並著該大臣悉心經畫次第舉行西路各營兵勇不宜耕戰相兼該大臣所奏擇其精壯者束以營制如徐學功輩分別任用其不能戰者散之爲農即著左宗棠金順會商妥辦以實營伍而增屯墾金順張曜兩軍留後之隊即當開拔前進兵力既增則屯丁可減據稱哈密巴里坤古城所駐各大臣應就見在所存旂營核定糧餉如缺額過多准照舊額馬步就近招募丁壯補數但責其保守城池不必

責以戰事脫屯丁伍籍散之歸農官屯私屯逃畝收穫
餘准照時價發糶各軍可資接濟兵事更覺順利等語
著金順文麟即照該大臣所籌辦理左宗棠擬俟前敵
軍糧漕運充裕甘省防守各事布置周妥即簡率大軍
進紮肅州該大臣當妥速區畫俾出關各軍整旆西進
迅奏膚功朝廷有厚望焉左宗棠所奏請派大員幫辦
等語已明降諭旨將劉典以三品京堂候補幫辦陝甘
軍務並諭王文韶催令劉典陳湜即赴該大臣軍營矣
將此由六百里諭知左宗棠金順文麟並傳諭張曜知
之欽此

左宗棠奏軍餉支絀請速籌解濟摺

竊維^臣軍餉項專恃各省協濟而協濟之款尤以添撥釐金爲大宗查本年收欸截至六月據四征糧臺月報各處文報約收各關協餉一百四十餘萬兩內除袁保恒奏撥出關糧運的餉暨抵解部撥款內劃收過銀五十四萬兩由袁保恒另案報銷外^臣軍實收協餉銀八十餘萬兩上年籌借洋款三百萬兩分四批提解除陸續劃還上冬今春滬鄂陝省先後籌借商欸本利銀一百二十餘萬兩外實收銀一百七十數萬兩又收袁保

新疆圖志

奏議議志心二一

十五

恒移交糧台現銀三十三萬數千兩收歸綏烏城剩存購駝銀十九萬餘兩共收實銀三百餘萬兩此六月底以前餉項入欸實數也至軍餉出欸以鹽菜乾銀爲大宗近因籌辦關外軍糧南北數路轉運騰挪巨欸儘先兌撥半年以來通計出欸已一百三十餘萬兩幾占入欸之半此外遣撤裁併陝西固原提臣所部及^臣軍宗岳營務果字等營與零星裁併改兵約撤馬步勇丁長夫三千餘名共發過實餉二十五萬餘兩哈密及肅鎮各營屬州縣屯墾水利經費銀約十四萬餘兩墊發文

麟明春軍餉糧價銀一萬四千六百餘兩現因籌備出塞之師除留防各營外又陸續增挑馬步十餘營合共百三十餘營遣赴前敵者需餉給足餉分防各路者需照舊發給鹽菜糧價馬乾公費與夫軍裝軍火車駝什物採製之費關外台站整頓修復之費及州縣津貼一切雜文由臣隨時核實通融酌濟共支發實銀一百三十餘萬臣前擬洋款借到後將東南各路防營再加载併減派軍裝軍火津貼轉運諸費可減者均擬酌量核刪省內地經費勻濟關外乃粵海關票抵借之百萬兩

新疆圖志

奏議卷二十一

十六

前因部文有能否減借省息之商往返咨查羈延累月不獲大批逕解兩奉

旨督辦新疆軍務所需軍裝軍火等項不但不能省節重須從新增廣製辦以故應需各欸未能及時清理即如穆圖善所部本擬全撤而終以餉項無出僅擬先撤四營有零尙未定也臣遵

旨督辦新疆軍務自宜合關內外全局統籌就此情形而言微獨西路北路邊防及撫回各處防軍未可輕議裁減即已經減撤者一經另有調派或地方緊要應酌

量抽撥添募填紮或應撤勇添兵以期周妥內地存留
各營既不能再擬裁減而檄調出塞馬步各營歲役遲
速未可逆計應切實整理調集各隊勤加演習以期精
而又精收寡可敵眾實效各該營所需添買騾駝馬匹
皮棉衣褲鑼鍋皮碗口袋等物應預備棚幟旗帳號褂
應更換軍械火器火藥應增籌軍行糧餉軍需各項轉
運採製津貼各項應寬爲籌備餉需較前有增無減者
勢也軍行糧隨須趁新糧登場駝隻起廠多撥經費分
飭加緊籌採籌運方免臨時周章現除北路歸包總分

各局撥款稍多可從緩撥解此外甯夏一路據該局員
稟報由定遠營取道察罕廟經喀爾喀邊境之巴尚圖
桑廟與歸包糧駝會合徑趨巴里坤較歸化起運約近
數站業於七月初一日試運頭批臣已飭儘多添額趕
運惟試運伊始大信未孚商情不無疑沮亟應加撥現
銀俾應得腳價按批清給一面由臣頒發告示嚴禁巴
里坤各軍拉差之弊庶可期其踴躍其北路之北古城
巴里坤採運屯銀均應添解大批至南路關內採運除
涼州勞費太重現擬停辦外其甘肅各廳縣已據

該管道員議詳共定採市斗夏秋糧十二萬二千石飭
遵照上年舊章頒發期票搭發稍資騰挪而商民車駝
腳價按斤按里計算運糧多則腳銀之多因之而增約
畧計算南路關內採運每月非得現銀二十萬兩不敷
支發此現籌新疆南北各路糧運價腳應之出款也此
外出款則仍以現存馬步各路土勇營兵正餉與夫軍
需採製轉運腳費薪糧津貼各款爲大宗臣前於本年
三月間據實陳奏每年共需實餉六百數十萬兩外增
出關採運出款二百餘萬兩以每年實到協餉五百萬

新疆圖志

奏議卷二十一

十八

兩劃抵出款八百餘萬已不敷實銀三百餘萬兩今則
新疆兵餉糧運各事宜一切責臣督辦局勢更寬就現
辦情形言之非獨糧運一事斷非上居二百餘萬兩實
銀所能敷衍即見存馬步軍需正餉仍非六百數十萬
兩不能支持其裁併後積欠勇夫七百餘萬兩正餉之
數又欠未發卹賞銀三十餘萬兩均須陸續發給實銀
不能空言抵塞今年春夏協餉所入不及百萬兩所以
能勉強勻劑者全賴奏借洋餉鉅款三四等月提銀以
後所有蘇浙粵三省協餉每年連息共應劃撥銀一百

二十三萬餘兩清還借項是常年協餉入款近五百萬兩內又短去銀一百二十二萬兩矣出入兩抵前奏每年不敷銀三百餘萬兩者今實不敷銀四百數十萬兩此通籌餉項入出兩抵不敷之實在數目也奏借洋餉隨到隨罄應解協餉盼切成空部撥景廉庫欸三十萬兩改解臣軍已咨照陝撫臣派員赴滬請領而金順已緘履頻催并屬先行挪欸墊解將來斷難藉此爲通融周轉之資此外後路報解協餉僅只十數萬待撥之欸陳欠相因源涸流窮時深虞虞如果各省闕積欠甘餉

新疆圖志

表議志二一

十九

能如上年臣議移台經費奏案提解積欠之半應解協餉仍按月如數籌撥其部撥出關糧運的餉百二十萬兩又各省闕抵解部庫銀八十萬兩除袁保恒經收銀五十四萬兩外短解銀四十六萬兩均能儘先籌解俾清界限而應急需庶各路開辦採運不至停運待銀調派出關諸軍不至停兵待餉乘現在南北各路開辦糧運漸有成效應調各軍檄令簡練整理漸有頭緒之時臣於協解到時通融挹注尙可詳爲布置諸事赴戎機否則現辦事諸無項支銷待發諸軍無欸散給而前進

局勢難言矣鹽菜乾銀年終滿餉及准假勇夫不能照舊發給而後路局勢難言矣迨事機已誤而後議補救之策所費益多求如目前局勢亦恐難得此尤微臣所日夜焦思而罔知攸措合無仰懇

天恩俯念邊寒軍務緊要餉源枯竭待用方殷

勅下戶部各省疆臣速將部撥出關糧運專款內短解銀一百四十餘萬兩限提解所有積欠甘餉二千六百一十餘萬兩分省分限指提若干應解協餉仍接月如數提解毋再延欠俾速戎機毋任惶悚待命之至伏乞

新疆圖志

奏請書卷二十一

二十一

聖鑒訓示施行

光緒元年八月二十五日

軍機大臣奉

旨戶部速議具奏欽此

光緒元年十月初四日准戶部咨開本部遵

旨速議陝甘總督左

奏軍餉支絀請速籌解濟一摺應請

飭下各直隸州省督撫將軍卽行查明上年由部提撥各欸欠解若干勒限一箇月內掃數清解福建省欠解西征協餉三百餘萬兩應卽遵

旨趕緊如數籌解其餘各省欠解西征協餉統限於一
年內先行各提解一半應用其餘一半欠解之餉仍隨
每月應解協餉陸續分解至各省關按月應解協餉自
本年爲始月清月款不准絲毫再有蒂欠俾該督得以
迅赴戎機免致貽誤等因具奏奉
旨依議欽此



左宗棠闕外新疆軍餉請仍歸戶部核撥摺

同治十三年十一月初五日准軍機大臣字寄十月二十一日奉

上諭戶部奏出關各軍餉項暨新疆各城軍餉請統歸西征糧台經理一摺現在大軍出關相機進取前降旨派左宗棠督辦糧餉轉運一切事宜并令袁保恒幫辦所有出關各軍應需糧餉運費等項自應統歸左宗棠袁保恒斟酌緩急奏請籌撥至新疆軍餉近年各城請撥頭緒紛繁殊不足以昭核實亦應由左宗棠等一併

新疆圖志

奏議志二

一一一

經理嗣後出關各軍暨新疆各城請撥餉需均由該統兵各員及各城大臣咨照左宗棠袁保恒核明數目酌量奏撥不得紛紛自行奏請以歸畫一而專責成即著左宗棠袁保恒景廉金順咨照該統兵各員及大臣一體遵照辦理左宗棠袁保恒務當通盤規畫酌盈劑虛核實籌撥毋任稍有匱乏原摺均著鈔給閱看欽此臣比恭錄咨照袁保恒由糧台咨行遵辦嗣於本年二月准戶部咨送同治十一二三等年奏撥新疆軍餉案由五六等月各城將軍都統大臣查開餉數源委允後咨

報到臣此經逐股稽核誠如

諭旨頭緒紛繁殊不足以昭核實臣忝督辦之任所有出關各軍新疆各城餉需責臣一併經理藉非格於勢限於地曷敢稍惜心力不即綜核奏撥所以然者統兵出關大員如金順明春張曜暨景廉移交各軍各有專餉內除張曜嵩武一軍餉需向由河南撫臣解濟不歸西征糧台經理外其餘金順等軍協餉自袁保恒交卸台務當經臣劄飭接辦糧台司道一遵向章按月將各該軍收解積欠銀數分晰開單呈報陝西撫臣核明

新疆圖志

奏議志二

二二二

奏報移催各該軍原撥專餉此後有無增減應俟金順接收景廉移交核實汰遣添補足數按照實在馬步名額酌定歲需糧餉合明春所部名額餉需彙案咨報由臣另行核

奏此時未能懸擬張曜全軍分駐哈密一帶除歷年掛支安肅哈密官局糧料由臣作正開銷外所有開屯修渠應需墾條工具一切購製轉運脚價均由臣墊付俾得殫力經營惟東山熟地向係纏回自種該軍新墾荒瘠灌水又遲故今歲收成較薄現據張曜呈報估計夏

秋屯糧約得市斗毛糧四千數百石發碾收米約得淨糧八九十萬觔勉穀該營兩個月軍食臣前於四月間函致張曜請將屯糧開報歸公准照安西市價核銀散給兵勇俾償其勞現經咨照張曜一照原議開報領價一面趕趁秋間次第修濬放渠翻犁明年屯糧所入當可增多此外官私各屯尙可採買市斗三千石應照市價收買不准勒抑短價如與文麟明春軍食有礙卽作罷論已由臣分飭知照矣宋慶前遣總兵劉風清率步隊兩營分屯哈密原與張曜所部同屬豫軍聲氣聯絡

新疆圖志

奏請開辦

一四

該軍調回潼關後與張曜節制調遣意見符合該兩營正餉已由宋慶裁發至本年十月底止嗣從十一月起由劉鳳清造齎花名餉冊歸臣軍照章支放屯墾經費屆時由臣核撥作正開銷業准宋慶來咨覆之並咨行張曜知照矣臣現調集各軍汰遣添募製造糧運諸款並由臣隨時酌量勻撥濟用將來彙案報銷此通籌出關各軍現在糧餉轉運兼顧哈密屯墾實在情形也至於新疆各城所駐大臣兵事餉事軍興以來舊制不可復按茲姑就近年部臣奏撥之款言之每月由直隸河

南山東山西四省共撥銀七萬兩內除榮全奏准每月
劃提銀二千五百兩以一半解榮全勻撥伊犁塔爾巴
哈台以一半解烏城分撥烏魯木齊巴里坤哈密各城
其分撥伊犁塔城一半餉內咨報臣軍有案者惟索倫
官兵及額魯特察哈爾人衆丁口二千八百名俸餉糧
價每月劃分銀二千八百兩又分撥烏城一半餉內每
月應劃分哈密辦事大臣一萬四千兩其餘銀兩該各
城如何勻攤每城經費撥支若干滿綠各營實存官兵
馬匹若干鹽糧馬價各需若干均未報臣有案核撥無

新疆圖志

奏議卷之二

二二五

從著手此外又有榮全專餉原協添撥每月共銀五萬
兩塔城額魯特官兵俸餉各台駝價換防官鹽糧每月
共銀一萬兩庫倫烏科各有專餉部臣指撥時有統解
分撥之款有劃提撥抵之款有改撥墊撥指省解還之
款有指提積欠坐扣之款各城奏撥前後異情各省撥
解積欠異數往復咨查動經歲月核覆羈遲職是之故
臣維綜核名實慎重財賦通盤規畫總司出入者部
之職分也臣前奏設西征糧台專司臣軍協餉入款按
月開單報部奏催咨提其於一切出款糧台並不干預

亦有不能兼顧之勢也其各省關協濟景廉金順明春
餉項則不盡由糧台經收山陝歸綏包頭等處各軍均
設有轉運糧台多寡贏絀均由各統將自行核

奏臣不得知豫師專餉只由台代催非如穆圖善雷正
綰所部甘軍均隸臣部裁併遣撤由臣會核辦理穆圖
善所統步營送有總數名單雷正綰造有花名故能由
臣統收分撥情異事殊未可同日語也近年新疆軍餉
由各城大臣紛紛自行

奏撥固失畫一之規臣如查核未明冒昧具陳仍非核

新疆圖志

奏議志卷二十一

一一六

實之道可否照部臣劃解章程分段

飭下烏魯木齊都統伊犁將軍所屬各城歲需經費并
現存滿綠換防官員兵丁實在各額應支糧餉分欸核
實報部由部通盤籌算仍就原協省分指撥有著之款
定限撥解不准推諉從前積欠新疆各城餉項分年掃
數截清先行提解若干如何勻撥統由部臣核定撥解
俾歸畫一而專責成其東南及川陝各省應協出關各
軍新疆各城餉項凡移報西征糧台有案者仍可由台
代催所有遵

旨查核情形謹據實陳覆再文麟派員赴蘭請餉已由
臣墊撥銀一萬兩明春上年負欠玉門採買糧價銀四
千六百餘兩已飭該管局員照付清款其布倫托海台
站經費由另片附陳以清眉目合並聲明伏乞

聖鑒訓示

光緒元年八月二十五日

請各省勿濟餉需片

再現在時局洋防塞防并重人共知之而能言之而難
易之分不能無辨洋防開辦一年經始之費可減塞上
則正值用兵諸需從新籌措如軍火器械一切海疆隨

新疆圖志

奏議卷之二

一七

時隨地可辦者塞上則須預爲籌計踰水陸萬里以達
軍前始供取用一物之值購價加於運費已相倍蓰尙
須先備採運實銀乃期應手其不同者一也海疆皆富
饒之區各口通商又利源之所在以釐稅言除兩江歲
入千萬緡曾見章奏外與浙浙所收較丁糧奚翅一倍所
需防費自已綽然甘肅則素樸荒瘠通省丁糧一歲僅
二十餘萬兩亂後則併此亦難復按農民喘息僅延諸
凡事務須出官多方措置始免槁餓空山又地氣高寒
物產本絀土俗不解經商服費出外求贏貧乏無聊坐

以待困餓早罄挹注奚施其不同者二也東南澤國
杭稻之鄉舟楫轉輸一帆千里商之謀生易裕官之籌
措非艱甘肅則糧食升斗皆須負戴而行數十百里之
程非車駝莫致運脚之費每過糧價數倍且有多過十
數倍者故東南各省糧與餉可合爲一西北則糧價腳
價非由官另籌津貼不可其不同者三也用兵既久官
私耗竭有時需用孔亟儲積已空則於富室大商挪移
借貸隨時歸欸甘肅則本地無可籌商如協欸不到惟
有借用洋商巨欸及飭各台局向附近殷實商人議息

籌借然借洋欸則必指省關還欸以印票爲憑借華欸
則必飭台局於附近商賈會萃之區籌辦以信約爲憑
近則陝鄂遠則上海相距遼濶不能尅期得銀而華欸
又多零星湊集爲數無多比借欸解至則守候領取者
環待已久一散卽盡旣非若海疆之就近取資可以省
事又不能如洋商之易集巨欸可以久支如非計無復
之未肯出此其不同者四也臣自出師江皖轉戰浙閩
所歷皆兵燹之餘就地籌維未嘗奏請部欸就浙之餉
需以討閩賊就閩浙之餉需以討粵賊迨事平調督陝

甘肅欠餉一律清還浙閩司庫亦漸有儲積蓋東南各省餉源可濬軍用易充轉運又便雖時艱孔急需用浩繁但令經畫有方亦可勉資敷衍非若甘肅之無可取資仰給各省協款如嬰孩性命寄於乳媪乳之則生斷哺則絕也竊計沿海之防除從新購採製造應用款項所有餉需一切未必多於前此用兵之時而南北兩洋又兼六省協款之入撙節支用防患未形綽有餘裕乃各省應協甘款既不照常委解而各省之協濟洋防者又皆以洋防爲急塞防爲緩以致臣軍出款日增入款

新疆圖志



奏議卷之二

二一九

大減豈沿海防軍重於出塞征軍今日防海之事實急於出塞之事乎竊維餉源只有此數曲壅彼缺勢所固然疆臣各轄一方畛域攸分恒情不免部臣總司

國計凶時制用乃其所宜無論防患未形較之整軍待發者事勢本自從容即有時變故紛乘在腴疆就近籌維豈至遽形束手制用之道惟尙乎均均無貧不易之理果能相其緩急爲之酌劑則夏多益寡自可兩全即以欠餉而言臣軍積至二千六百餘萬兩之多所部除食馬乾寒衣單衣外每年僅發一月餉尙須多方設

措似此窘蹙事何可長各省雖同值時艱但各就本省應發餉需節縮一兩月勻濟甘肅在各省所欠者不過一兩月之數在臣軍前各增數月之數是富者減一孟之食仍免號飢貧人有壺飧之加即期宿飽不獨涵融挹注大局藉可維持兼之撙節支銷積欠亦漸歸有著此則微臣區區愚悃不得不披瀝陳之者也現當整理軍事之時念及軍儲不供刻深悚惕謹據實附片具奏伏乞

聖鑒訓示施行

光緒元年八月二十五日

新編圖志

奏議志二

二十一

軍機大臣奉

旨該衙門速議具奏欽此

光緒元年十月初六日准戶部咨開本部遵

旨速議陳明海防各餉係於各省應協西征軍餉之外添撥并非於各省應協西征軍餉之內勻撥各該省關自應各解各餉本毋庸作挪東補西之計以致有顧此失彼之虞應請

飭下各直省督撫將原協添協西征各餉及分解南北洋海防各款一體兼顧毋稍偏重即飭各司道監督等

務須各按各款照數清解不得因現有海防撥餉將西
征各餉藉詞延欠等因具奏奉

旨依議欽此

請 飭兩江迅解老湘全軍月餉片

再臣此次成軍以出志在剿賊綏邊並爲建威銷萌之
計惟自忖年衰病久深虞精力未足副其志致貽

宵旰之憂亟圖倚任良才匡其不逮三品卿銜現署西
甯道劉錦棠英銳果敏才氣無雙近察其志慮忠純尤
堪重任現令率所部老湘全軍從征並委總理行營事

新疆圖志

奏議志二

三一

務俾隨征各營得有稟承庶資展布此外統領營哨各
員均酌簡相信員弁樂事赴功者用之竊維西事之蕩
未卜何時專就劉錦棠一軍而言按月由金陵撥給餉
銀四萬五千兩上年洋防議起兩江延未撥解現署督
臣劉坤一雖知其艱疊飭委解然僅解至上年十二月
止自今正以後八箇月共計欠解之餉三十六萬兩現
正料理行裝無可籌墊伏懇

天恩勅下兩江督臣迅將老湘全軍月餉如數委解前
來俾得迅赴戎機此後該軍月餉仍請

飭兩江照舊按月委解毋再羈延庶足保茲勁旅謹附片陳明伏乞

聖鑒訓示施行光緒元年八月二十五日

請 飭福建迅籌欠餉片

再閩省協餉經臣奏准原協銀四萬兩添協銀四萬兩西征以來每月僅解銀五萬兩同治十一年十月福建輪船局經費告匱臣以西事安危不過一時之計輪船控馭沿海實

國家久遠之規深慮功敗垂成奏請於臣軍餉項五萬

新疆圖志

奏議卷二十一

二二一

內劃撥銀一萬兩交輪船收支以免廢輟計自同治十二年正月起共撥過船局銀二十六萬兩臣軍每月僅收閩省協甘餉銀三萬兩是年十月總理船政臣沈葆楨以船工將竣所加月款二萬兩可以節省具

奏鈔咨到臣當經咨明福建督撫臣以船局經費既無需劃撥自應仍解甘肅以濟軍需而該省於同治十三年三次解到銀九萬兩又本年五月撥解出關經費銀二萬兩統截至光緒元年六月止共欠解銀三百一十二萬兩新疆軍務方殷若如福建一省先後兩年僅解

銀十一萬兩懸欠過多實非意料所及合無仰懇

天恩飭下福建督撫臣迅速飭司趕繁設法籌解以符

原案而速師期謹附片具陳伏乞

聖鑒訓示施行

光緒元年八月二十五日

軍機大臣字寄光緒元年九月初七日奉

上諭左宗棠奏軍餉支絀請飭速籌解濟並關外各軍
及新疆軍餉請仍歸戶部核撥暨請各省勻濟餉需請
飭戶部劃撥科城的餉各摺片本日已諭戶部速議具
奏另片奏請飭兩江迅解老湘軍月餉及請飭福建迅

新疆圖志

奏議志二二

二二二

籌欠餉各等語已寄諭劉坤一等即速籌解矣關外事
機甚急餉需支絀自不得不竭力圖維先其所急現在
金順已抵古城各路官軍皆可陸續前進亟當乘此機
勢趕緊設法進兵迅圖剿辦軍事餉事左宗棠仍當妥
速區畫俾出關各軍整旆西進迅赴戎機一切情形並
著隨時詳悉奏聞以慰羣繫將此由五百里各諭令知
之欽此

陽昌濬可資臂助片

再陝甘軍務近雖幸承

福庇一律肅清惟轄境兼蒙古回番之地因習俗而施政教隨時隨地剛柔異宜現雖安謐然建威銷萌規畫久遠者實難悉舉入告也又臣所部各軍雖非一省一路之人究竟楚產爲多各將領皆十餘年前舊部未弁勇丁積功拔擢所致臣之馭軍別無才能權智所恃者誠信不欺絲毫不苟不敢以一時愛憎稍作威福致失人心行之既久湖湘子弟習而安之雖欠餉積多尙無異說回思咸豐十一年成軍以出日在憂危惕厲之中至今猶惴惴焉臣茲奉

新疆圖志

奏議卷二十一

二二四

命督辦新疆軍務雖自慙非分然誼不得辭而內顧茫然時形憂懼諸將士聞臣荷

新命多赴蘭州自請隨征出塞者默察隱情蓋均慮及餉項積欠爲數太鉅出塞遠離恐軍情未帖然也竊維咸豐十年臣奉

命襄辦江南軍務其時辦理臣軍營務者三人一道員王開化不幸積勞早逝蒙

恩予諡貞介一劉典一浙江撫臣楊昌濬皆平時道義切磨潔清自矢堪共患難之人時論或有不同而信行

相符至今實堪覆按臣茲遠出兵事餉事不能不以陝甘為根本若後顧不免他虞大局何堪設想臣之所以
籲懇

天恩簡劉典幫辦陝甘軍務者以此郵鈔楊昌濬因病
請假已蒙

天恩給假一月如楊昌濬能去浙度隴則臣史可資其
臂助微臣之幸亦西事之幸也謹披瀝附片陳明伏乞
聖鑒訓示施行光緒元年九月二十八日

軍機大臣奉

新疆圖志

奏議志二

三二五

旨以片奏浙江巡撫楊昌濬如能去浙度隴可資臂助
等語西陲軍事緊要襄辦需人惟楊昌濬係封疆大吏
如令前赴軍營應如何位置之處著該大臣先行奏明
請旨辦理欽此

暫借洋商巨款以資接濟片

再泰西各國遇有兵事向商人借用巨款相習為常洋
商之來華貿易者每以此為利從前尚有以應需借用
洋款與否向問者可知用兵借銀本各國常例商情稱
便無華商居奇之心且借數愈多則息銀愈減亦與華

商計畫迥異沈葆楨籌辦台防時聞初議借用洋款一
千萬兩每歲給息銀八釐洋商樂從并無推諉其時即
有爲_臣籌策者謂隴局艱難至此盍亦仿照辦理免致
坐失事機_臣以關內業已肅清宜力圖撙節故祇擬商
借三百萬兩嗣奉

命督辦新疆軍務籌辦關外採運出款日增而擬借洋
款又因部議游移洋商見胡光墉取銀遲緩懷疑未釋
前又因粵東故生枝節畫押蓋印均多推諉商情不能
釋然雖勉踐前言而發銀遲緩致_臣處遣撤諸事未能

新疆圖志

奏議卷二十一

二一八

應手徒耗月息而應協各省見已借洋款三百萬兩遂
謂隴餉或可稍資周轉漠不關懷不知_臣因洋款遲到
先飭各台局息借商各款外祇一百七十餘萬到營耳
頻年艱苦竭蹶之狀莫此爲甚_臣不善經理人乎何尤
見在出關各營均已齊集涼州日加訓練擬於明正援
隊先行_臣之親軍亦已整理完繕俟幫辦軍務_臣劉典
到蘭將留防善後諸務面商一切不過旬日亦即啟行
惟默計前途軍火子藥糧食柴草雖畧有儲峙而行餉
不能攜帶一月倘後路無餉接濟不堪設想又出塞之

行成敗利鈍非能逆覩縱令事機順利而合新疆周二
萬里地方規畫久遠較之洋防七千餘里局勢尤寬歲
月久暫遲速非可逆計徒擊空拳空談遠畧非特無其
理亦無其事暫擬籌借洋商巨款實迫於萬不得已之
苦衷伏懇

聖慈特飭沈葆楨仿照台防辦法代臣籌借俾臣得所
藉于稍圖尺寸之效而事之幸臣之幸也至其息銀多
寡及一切辦法請由沈葆楨酌定臣不與聞緣沈葆楨
素為各國所信服商借洋款曾有成議此時重尋舊說

新疆圖志

奏議志二

二二七

可免洋商疑慮又辦理南洋事務就近與各省關商議
可無窒碍較臣所處尙易為功區區愚忱非敢有他謹
并以附陳伏乞
聖鑒訓示施行

